

-10

DE
SPVRIIS ADVOCATORVM
PRIVILEGIIS
EX SVFFRAGIO
ILLVSTRIS ICTORVM ORDINIS
DISPVTABVNT
GOTTLOB AVGVST. IENICHEN
PHIL. ET IVRIVM DOCTOR
ET
CHRISTIANVS GOTTLIEB GABRIEL
LEVCOPETRENSIS.

CONFLICTVI DICTVS EST DIES XX. MART. A. R. J. MDCCXXXIII.

L I P S I A E
EX OFFICINA LANGENHEMIANA.

STANDARD

1914

1914

STANDARD

1914

1914

1914

1914

PERILLVSTRI. AC. EXCELLEN
TISSIMO. DOMINO

GOTTLOB. HIERONYMO
DE. LEIPZIGER
DYNASTAE. IN. HEIDA

SERENISSIMO. AC. POTENTISSIMO. PRIN
CIP. POLONIAE. ET. LITHVANIAE. ATQVE. SAXONIAE
NOVEMVIRO. A. CONSILIIS. SANCTORIBVS. SACRI CV
BICVLI. PRINCIPALIS. COMITI. ORDINIS. QVE. DA
NEBROGICI. EQVITI. RELIQA

PRINCIPIS. DELICIO
SAXONIAE. ORNAMENTO
LITERARVM. PRAESIDIO
FVTVRAE. AETATIS. MIRACVLO
QVEM
MIRIFICA. IN. DEVM. PIETAS
INCORRVPTA. IN. PRINCIPEM. FIDES
INCREDIBILIS. IN. CIVES. CLEMENTIA
SINGVLARIS. IN. LITERAS. AMOR
DVDVM. IMMORTALEM. REDDIDERVNT
HVNC. LIBELLVM. ACADEMICVM
RELIGIOSAE. PIETATIS
DEVOTI. CVLTVS
DEMISSI. OBSEQVII
TESTEM. OBSIDEM. QVE

EX

VETERI. FORMVLA
DAT. DICAT. DEDICAT

HVMILLIMVS. CLIENS

GOTTLOB. AVGVSTVS. IENICHEN



Q. D. B. V.

§. I.

*Desperatio plerosque Aduocatos hodie
facit.*



Uae tam numerosam militum pa-
trumque cucullatorum cater-
uam reddit desperatio, eadem
quotannis tam laetam iucundam-
que Aduocatorum segetem pro-
ducit. (a) Neque nostris de-
mum temporibus de nimia, qua
laboramus, causidicorum multi-
tudine, et improbis eorum, qui
clientes ad incitas redigunt,
artibus acerbae exortae querelae sunt; sed Graeci, (b) Ro-
mani,

(a) David Menius in Comment. in ius Lubecense P. V. T. II.
Art. V. §. 4. p. 871. Caspar Zieglerus de arte rabulistica C. III.
§. 13. p. 30.

(b) Plutarchus de foenore: forum ἀρεσίων χρίστων vocat et Plato
L. X. de Republica eiiciendos ex beatissima sua republica Aduo-
catos esse statuit.

mani, (c) ipsique nostri maiores, integerrimi ac sapientissimi mortales, (d) derelicti sunt illam nationem, cuius vota fere eadem, ac orci sunt. Quapropter illorum hominum mores ualde improbo, qui iusto plus fauent Aduocatis, eos laudibus usque ad inuidiam onerant, praecipuas in republica dignitates illis destinant, ipsisque magistratibus, qui meritas ob proseruiam inconsultamque linguam poenas ab iis exigunt, uehementer irascuntur. Quamuis etenim id aegre ferat AVGVSTINVS LEYSERVS, et de honoratiori loco ipsis prospiciendo anxie laborer, attamen non possumus assensum hac in re praebere ICto, non solum exquisita doctrina, uerum etiam mirifica humanitate illustri. Immo non serio haec scripsisse LEYSERVM prorsus confidimus, quippe qui optime plerorumque litium patronorum originem perspectam exploratamque habet. Quis enim quaeso illis homuncionibus, quos paullo ante calcamentorum uestiumque exuiis, et aliarum immunditiarum purgamentis, rector, sordidos squalidosque, quos pedisequos quos libidinum domini dominaeque seruos conspexeras, et quorum manus mensque ad pennam occaluerat, mox OVIDIANA plane metamorphosi in Aduocatorum album relatis, locum dignitatemque concedat? Mira haec sunt, et fidem propemodum excedunt, sed tam terribilia pro Deum! monstra, ad quae

(c) Columella in praef. L. I. de re rustica: Sine caufidicis, inquit olim satis felices fuisse, futurasque vrbes, et Plin. Junior. L. II. Ep. 3. §. 9. ipse fatetur: Nos, qui in foro uerisque litibus terimur, multum malitiae, quamuis nolinus, addiscimus.

(d) Quo odio caufidicos prosequuti sint pii maiores, refert F. I. Lorus L. IV. c. 12. et quam iniusti illi sint Danis, Hungaris, Heluetis Suecisque, conductis probatae fidei auctoribus, probauit Conf. Io. Georg. Cramerius in Disqui. Au Aduocati in republica tolerandi sint? p. 8. seqq.

(e) in diss. de conuitiis Aduocatorum. p. 4.

quae tamquam ad nocturnos lemures, portentaque Thesala
 cohorresceres, forum quotidie inuadunt. Verum sunt et alii,
 qui eadem mentis impuritate, casta puraque Themidos sacra
 temerant, atque inquinant. Nonnulli enim, quum academicos
 annos digladiationibus, comestationibus, comotationibus,
 Venereisque spurcitiebus male transegerunt, paterna auitaque
 bona turpiter dissipant, et plus uini cereuisiaeque, quam
 olei consumserunt, summa et extrema desperatione ducti, ad
 causas in foro orandas accedunt, et, vt ad quæstum omnia,
 ad conscientiam pauca referunt, fures, latrones, meretrices,
 lenones lenasque, ueterum Romanorum more, in clientelam
 recipiunt, argentariam mensam ponunt, ipsosque infames
 foeneratores malicia uersutiaque superant. Quid? quod
 nulla tam sordida, tam foeda, tam illiberalis ars est, quae
 ad rem faciendam ipsis accommodata uidetur, cui non ope-
 ram dent, et omnes suas curas, cogitationes, studium deni-
 que omne in eo figunt collocantque, vt clientes pecunia
 opibusque probe emungant. (f) Felices illi sunt, quos
 nulla dira habendi cupido, laudabili

A 3

(g) exem-

(f) Ne in me horum dictorum inuidia redundet, causas meae
 patronum excito Casporem Zieglerum, qui loco citato ita scri-
 bit. Id uero dolendum maxime est, plerosque omnes, quibus
 ad restim rediit res, et qui de sua fortuna desperant plane, aduo-
 cati partes tandem suscipere, quumque nulli alii uitae generi
 idoneos se sentiunt, et omnibus armis praesidiisque destituti iam
 sunt, nihilominus sperant sibi auram aliquam posse afflare, in ad-
 uocati munus si inuolent, ac si sacra haec esset ancora, et ita com-
 munis omnibus, vt ad eam liceret confingere obrutis rebus omni-
 bus ac perditis profligatissimo cuique. Refert idem Zieglerus in
 Consistorio aliquando egisse supratam, de matrimonio sibi pro-
 misso, quæ inter alia probationum argumenta retulisset, suptrato-
 rem ab ipsa quaesitum, quo uitae genere uictui comparando
 consultum esse uellet, respondisse; Et wolle ein klein Eausen-
 massergen werden, qui tamen nunquam uel uiderat fortasse, uel
 in manibus habuerat iuris constituti codicem.

(g) exemplo, ad lites excitat, qui surum cuique tribuunt, et ab alienis opibus mentem castam, manusque puras seruant. Illi enim numquam in illos alienarum fortunarum mercatores, aut potius mangones, in Harpyias istas crumenimulgas, quae nec sanguine quidem miserorum exsaturari possunt, (h) incident, tristemque et animae et fortunarum euitabunt iacturam. Sunt, (fatendum est, quod negari nequit,) inter Aduocatos probi doctique uiri, qui detestandas horum perniciosissimorum hominum artes aperte damnant, (i) munus suum egregie explent, nec umquam uel fidem, uel diligentiam, uel integritatem in se desiderare patiuntur. Hos, quamuis summa animi ueneratione prosequamur, attamen non possumus non, quin iis, simul ac illis, quos uiuis depinximus coloribus, quaedam, quae inuita Themide, et ex infano Iuris Romani amore, ipsis tribuerunt interpretes, priuilegia, libere candideque denegemus. Quod uti consulto facimus, quum nemo quisquam ante nos hanc materiam ex instituto pertractandam sibi sumserit; ita non expectes uelim, Lector, ut uulgaribus illis naeniis, Aduocati et priuile-

(g) dedimus huius uiri, aureis plane moribus praediti, nitant in specimine Bibliothecae cruditorum longaeuorum A. 1730. typis exscripto p. 138.

(h) Sunt magni Scaligeri haec uerba L. III. Poet. c. 25.

(i) Fecit id Mornacius, ipse causarum patronus, in obseru, ad Digesta T. I. p. 735. qui refert Pibracium celebrem apud Gallos Fisci patronum aliquando perstrinxisse quorundam suae aetatis patronorum *πλευροξένων*, qui, quum de lite mouenda consuleretur, *μὴ* non promittebant facillimum, nec tam magno id constitutum pretio. Illis nimirum illiciis, aiebat, capiuntur auide, qui tam sese apparant ad lites quae tamen, ubi Marte suo et solito iudiciorum ordine per aliquot menses cucurrerint, longissimae tunc controuersiarum ambages, concatenata tamquam serie, sese offerunt, tandemque inopitum semper quidpiam exsurgit, unde sagacitas fere uix illa confectum annis litigatorem, aridumque et exsuccum expediat.

uilegii definitionibus et diuisionibus immoremur. Dederunt easdem alii, et ipsi iuris ryrones, uix in ordines allesti, uix signa uenerati, norunt easdem. Nos potius, precati Deum immortalem, laeti speique pleni, uiam aggredimur.

§. II.

*Falso Aduocati diuinam originem sibi
adscribunt.*

Nullum profecto impudentius est, quod Aduocati sibi arrogant, priuilegium, quam quo ipsum Seruatorem Spiritumque Sanctum in collegium suum cooptant, et primordia sua ad ipsam diuinitatem referunt. Pestilens hic furor et infana haec dementia plerosque inuasit ueterum, qui non melius iustam bonorum indignationem se euitaturos fore sperabant, quam si diuinas personas in suam adsciscerent societatem. Ueniam facilem, qua nos sumus liberalitate misericordiaeque, pararemus CACCIALVPPPO, (k) et MARTAE (l) et barbaris illorum sociis, qui uecordia abrepti uilita, tam scelestas cogitationes luci publicae committere non erubuerunt. Ipsa enim saeculi, in quod eorum incidebat aetas, barbaries, ipsae illae plusquam cimmeriae tenebrae, quibus meliores literae inuolutae erant, aliquam iis excusationem praebent. Sed quis ignosceret Leonhardo Bauero, ICTO UUiennensi? qui illiberales has facetias prolixè copioseque propugnat. Nam quamuis nonnulli diuinas personas id, quod susceperant, patrocinium non ἀνδεωπίνως, ἢ δελήως, sed θεϊκῶς ἢ θεογενεπῶς, pro maiestate summa et inef-

fabi-

(k) de offic. Aduoc. qu. i. n. 4. qui et aduocationem opus meritorium apud Deum esse, scribit.

(l) de iurisd. P. IV. c. 115. citante utrumque Hilligero ad Donellum L. XVIII. C. III. p. 73.

(m) defendit hanc sententiam in Diff. de Nobilit. ICTorum. p. 8.

fabili peragere statuunt; attamen tantum abest, ut haec vlla ratione defendi queant, ut potius augustae illi diuinarum personarum maiestati aperte repugnent. Neque meliorem fortunam sibi a nobis polliceri debet Gallus ille, qui ACROCCXIII. Parisiis libellum edidit, quem l'eloge et les devoirs de la Profession d'Aduocat inscripsit, qui hanc temerariam opinionem summa ac paene inaudita impudentia defendit, dignus, qui nequitiae suae poenas daret AVGVSTINO LEYSERO. (m) Pudenda haec sunt, et indignae christiano homine facetiae. Adeo enim excelsum est, in quo collocatae sunt caelestes personae, fastigium, adeo illustis excellens, qua miseros, et infelici illa primorum parentum labe depressos mortales in sui admirationem conuertunt, clementia, adeo omnia summae perfectionis diuinitatisque notae ipsis impressae sunt, quae ab humana imbecillitate tantum, quantum pii ab impiis differunt, ut haec non sine nefarii sacri legii crimine uel dici, uel cogitari queant. Fatemur equidem, optimum atque sanctissimum orbis terrarum Seruatorem id cruenta morte sua effecisse apud Deum peccatis nostris iratum, ut delictorum nobis gratiam faceret, et omnem a nobis uindictam iramque amoueret; Spiritumque sanctum nostram coram summo Dei tribunali causam agere quotidie, et caelestem nobis ueniam, pacem atque clementiam impetrare. Sed quis, nisi mente captus et extreme stultus, inde concluderet: Ergo Aduocati sunt. Ergo Aduocationem instituerunt. Quod si enim hi, qui tanto animorum impetu id agunt, perpenderent, quam inuisi essent Numini illi, qui in longum extrahunt processus, eodemque immortales reddunt, facile discessissent a sententia, quae et impium eorum animum clare prodit, et cordatorum indignationem odiumque ipsis conciliat. Certe, si quae unquam

(n) Med. ad Pandectas T. I. p. 492. et 93.

quam respublica praestantissimis legibus instituta confirmataque fuit, profecto hanc felicitatem Ebraeorum respublica iure meritoque sibi vindicare potest; adeo, ut si quid uota nostra ualerent, optandum esset magnopere, ut non a Romanis Graecisque, sed inde legum optimarum atque sapientissimarum exemplum peteremus. Quis uero acerbas et atroces denegati iuris laesaeque iustitiae querelas audiuit? quis litium patronos unquam in illa deprehendit? Si accusatio instituenda esset, si crimen aliquod ultionem requiret, ad iudicem res deferbatur, qui cognita explorataque rei ueritate, sine taediosis processuum ambagibus litem intra unicum diem, aut certe paucissimos, definiebat.

§. III.

Inique tribuitur causidicis generis nobilitas.

Transimus nunc ad alterum, quod Aduocatis falso tribuitur, priuilegium, generis nimirum, CARPZOVIO (o) auctore, aut, uti STRYCKIUS (p) effert, ueram nobilitatem. Absurdum hoc est profecto atque ridiculum priuilegium, quo sibi pulcre placent, qui in foro aduocatione perfunguntur. Audiamus LEYSERVM (q) ita differentem: *Honestum est Aduocati munus et nobile, id est, clarum et celebre, non diuinum nec illustre, nec cum equestri dignitate coniunctum.* Sequamur LIMNAEVM, (r) qui bene eleganterque scribit: *Ein Advocat ist edel, aber doch kein Edelmann.* Neque obstant sententiae nostrae, quae ad collabefactandam euertendam-

B

dam-

(o) L. III. Resp. I. n. 11.

(p) in diss. de priuil. Aduoc. C. II. n. 2. obiter notamus, falli Leyserum, quando praeter Carpzouium neminem Aduocatis generis nobilitatem tribuisse contendit.

(q) Med. ad ff. Vol. I. p. 494.

(r) in iure publico L. VIII. c. 8. n. 104.

damque eandem penitus adfert STRYCKIUS. (s) Quod enim Imperatores VALENTINIANVS, VALENS, et GRATIANVS (t) eos nobilissimos uocant, non equestris dignitatis participes reddit, quae ex singulari Imperatorum gratia dependet, et quam nemo nanciscitur, nisi principalibus codicillis in lectissimum hunc ordinem relatus sit, quod MASSARIO SABINO accidisse, (u) POMPONIVS perhibet. Solenne nimirum Romanis est, ut eos, qui uel praeclaris uel malis facinoribus nominis celebritatem consequuti fuerant, nobiles nobilissimosque nuncuparent. Sic philosophos, oratores, pictores, gladiatores, meretrices nobiles, appellabant, quod ante nos iam dudum obseruauit DIONYSIVS GOETIOLFREDVS (x) et ANDREAS TIRAQUELLVS, (y) qui multis ueterum auctorum testimoniis asserti nostri ueritatem comprobata dedit. Uerum ICTOS Imperatores amicos et parentes saluant, et eo ipso nobiles pronunciant. (z) Heic tenendum est cum maxumè, insigniter differre causarum patronum et ICTum. Quum enim pleraque ex praescriptis formulis et obseruantis in foro peraguntur, poterit Aduocatus, qui accuratam earundem notitiam sibi comparauit, et iura domestica sibi leuiter cognita tradidit; magnam sibi conciliare celebritatem, sed ideo non amplum atque honorificum ICTi nomen meretur. Si quis enim dicat, (liceat nobis ERASMI, (a) quibus Grammaticum describit; uerba, paucis mutatis, nostra facere,) ICTi professionem nihil habere memorabile, sciat, hoc graue et arduum esse negotium. Neque enim a ICTo tantum expectatur barbararum illarum obseruantiarum atque

(s) c. l. (t) l. 7. C. de postul. (u) l. 2. de orig. iuris §. 47.

(x) in not. ad l. 7. C. de poss.

(y) C. Hi de uera nobil. Opp. T. I. p. 7. sqq.

(z) l. 17. de iure patron. l. 4. C. de contrah. et comm. stip. l. 4. C. de loc. et cond.

(a) in uita Origenis auctore Uossio de Phil. L. II. C. IV. §. 1. et 4.

atque formularum cognitio, sed praeter sermonis elegantiam, praeter antiquitatis et omnium historiarum notitiam, requiritur philosophiae, omniumque liberalium artium, quid? quod Iuris Ebraei, Graeci, Romani, Pontificii, Germanici, beneficiarii, publici, et singularum provinciarum cognitio. Minore negotio bis mille Aduocatos absolueris, quam vnum ICRUM, qualem in IO. SCHILTERO, IO. STRAVCHIO, IACOBO GOTHOFREDO, praeterita aetas, et nostra in NICOLAO HIERONYMO GUNDLINGIO uidit. Hos nobilissimos pronunciamus, hos tam egregio honore dignos censuerunt Imperatores. (b) VLPIANVS enim et VOLVSIVS MAECIANVS, quorum alterutrum parentem, alterutrum amicum nominant, numquam in foro causas actitasse, sed de iure respondisse, et in Imperatorum fuisse consilio, ii, qui eorum memoriam ad posteritatem tradiderunt, testantur. Ueterem Romanorum conditionem redolent, quae, ideo nobiles esse causidicos dicuntur, quia post depositam aduocationem clarissimi Comitis (c) dignitate ornabantur. Intra certum enim Aduocatorum ordo numerum continebatur, illique qui stipendia rite fecerant, clarissimi Comitis dignitatem nanciscebantur, (d) id quod plane absonum est in Germaniae foris. Neque ad rem faciunt, quae de uera illa nobilitate, quae doctrina uirtuteque paratur, disseruntur. Eam Aduocatis, qui doctrina atque uirtute praediti sunt, non denegamus, sed illam saltem, quae ex equestri dignitate pro-

B 2

ueni-

- (b) Fauet sententiae nostrae Valentinus Chimentellius in maiore Pisano de honore Bisellii C. XXII. in Thef. Graeu. T. VII. p. 2103. atque satis egregie euicit, non causidicos sed ICTOS, et in consilium allectos, amicorum nomine cohonestasse Imperatores.
- (c) l. 8. C. de Adu. diuers. iud.
- (d) uide quae ex antiquitatibus legibusque docte atque eleganter addfert Frid. Brunnmerus Comment. ad Legem Cinciam C. X. §. 14. sqq.

uenire solet. Et quid demum proderunt litium patronis imagines, et antecessores, GERMANICVS, CALIGVLA, VESPASIANVS, PLINIVS SENIOR, PAVLVS ET BALDVVS nisi se dignos his praeclaris uiris exhibuerint? Illi enim non magis nobiles reddunt Aduocatos, quam nobiles tutores reddit ALFENVS VARVS, praecipuae Ictus dignationis, qui tutoriae arti per aliquam temporis partem operam dedit. (e).

§. IIIL

Non gaudent priuilegiis militaribus causarum patroni.

Nugas agunt, qui ex illa militum Aduocatorumque, quam LEO ET ANTHEMIVS (f) instituunt, comparatione, causarum patronis priuilegia militum tribuunt. (g) Neque enim vmquam haec in mentem uenisse Imperatoribus vlla fieri specie probari potest. Figurata oratione in vniuersa hac lege vtuntur. Atque singularis in legibus nostris loquendi ratio est, vt militiam ad alias res transferre soleant earumdem conditores. Sic *militiam palatinam* ponunt pro omnibus, qui in *palatio sunt*, (h) *literatam* pro *proximis sacro-*

(e) Sic iudit Horatius L. I. Seriu. Sat. 3. u. 130.

Alphemus uaser omni
Abiecto instrumento artis, clausaque taberna
Sutor erat; sapiens operis suo optimus omnis
Est opifex, sic rex solus.

Cremonae enim sutrinam exercuit artem, teste uetere Horatii commentatore; quod minime indignum ingenuo homine opificium Romae fuisse ex l. 5. §. 3. ad L. Aquil. et incit Io. Bertrandus in Uit. Ict. C. VI. §. 2.

(f) l. Aduocati 14. C. de Adu. diuersi iudic.

(g) Stryckius c. 1. §. 3. Io. Georg. Nicolai in Resolut. casuum dubiorum Pract. Ref. 18. p. 374. et illi, quos hi citant.

(h) L. I. C. Th. de Palat. et Cod. Theod. l. VI. T. XXX. et XXXV. et l. XII. Tit. XXIX. Cod. Iust. Audiamus Ez. Spanhemium

sacrorum scriniorum. (i) Sic in *literarum praesidiis militare* scribit IULIANVS Imperator. (k) Sic *militia negotiatorum* fuit; (l) sub qua intelligebantur commoda illa annonatum, et salaria, quae armatam uel inermem militiam exercentibus publice praestabantur. Huiusmodi militiae in commercio fuerunt, et uendi, emi, et legari aliasque relinqui potuerunt. (m) Quae clara explorataque sunt iis, qui

in orbe Romano C. XXI. ed. Heinécc. p. 349. qui sub palatina illa militia officiales, Apparitores, iisque digniores Domesticos et Protectores intelligit. Et Jac. Cuiacius in Recit. C. ad Tit. de Collat. in fin. inquit: Nomine militiae significatur officium palatinum, quod quis exercet in palatio, ueluti officium adiutoris; quaestoris: et hae militiae poterant uendi; distrahi et transnunti ad haeredes. Immo et pignori secundum l. ult. C. de pignor. et hypoth. Confer et Edmundum Merillium in Uariantium ex Cuiacio L. II. C. II. ed. Neapolitanae d. a. 1720. p. 278. Franciscum Balduinum in Iustiniano L. II. p. 79. ed. Hallensis d. a. 1735.

(i) l. 8. C. de proxim. Sacror. Scrinior. u. et l. 2. 3. 4. 5. 6. 7. 9. 12. eod. Decem Scrinia Comes, sacrarum largitionum in officio habebat, quorum Scrinia militia literata uocabantur. Nihil nero aliud erant Scrinia, quam plutei, in quibus libri condebantur, et Scriniarii sunt chastularii, chartasque tractantes. Guid. Panzirolus in Comment. ad Notitiam Dignitat. Imperii Orientis. C. LXXVI.

(k) l. 1. Cod. Th. de prox. comit. dispos.

(l) l. vn. C. negotiatores ne militent.

(m) u. praeter alias leges l. 102. §. ult. de leg. 3. et l. 27. C. de pign. And. Alciatum L. I. Praeterm. opp. T. II. p. 146. ed. Bas. d. a. 1558. Barnabam Brissonium de U. S. ed. Lips. d. a. 1721. p. 632. qui et militiae fabricensium et militiae ex casu meminit. Obseruat et Amplissimus Bynckershoekius, L. III. C. XIV. Obseru. Iuris Rom. inanu militari, qua uoce utitur Vlpianus in l. 68. de Rei uind. et per officium militare, quae Alexandri Imperatoris, Vlpiano aequalis, uerba in l. 2. C. si man. ua uener. ne proffit. sunt, intelligi apparitores et officiales indicis. Atunt autem tunc Alexander, tum Vlpianus militari, uel quia illi, quum res fere, armis instructi sunt, uel quia apud

qui elegantiores literas ad iurisprudentiam afferunt, nec ad quoduis uerbum BARTOLI ACCVRSIIQUE manes euocant. Sed ideo non nancifcebantur ea, quae militibus, qui in ueris bellis sanguinem uitamque pro patria profundere gloriosum esse ducebant, Iure Romano competeabant priuilegia. Gerrae hae sunt Siculae, et tam insanae naeniae, ac si quis concluderet: iureconfulti aequi bonique sacerdotes sunt, (n) ergo iisdem, quibus sacrorum antistites uenerandi, priuilegiis immunitatibusque utuntur. Uerum parum abest, quin mutem sententiam, certe ea, quae aspere nimis scripta sunt, deleo, et pro non scriptis habere uolo: quum ANTONIVM SCHVLTINGIVM, ICrum eleganter et praeclare doctum, ab aduersariorum stare partibus, auctore GVNDLINGIO, (o) intelligam. Utinam uotorum meorum damnatus essem! Utinam licuisset pulcherrimum uenustissimumque scriptum inspicere! Sed irrita uota mea, uanaeque spes fuerunt. Quapropter alio tempore, quamprimum nactus fuero libellum elegantissimum, me uiri clarissimi argumentis responsum fore, publica hac tabula, in me recipio.

§. V.

*Quaestionibus subiici possunt inconsulto
principe causidici.*

Ex his duobus, quae nullius ponderis esse demonstrauimus, priuilegiis, nouum effinxerunt doctores, et Aduocatos, inconsulto principe, equuleo imponi posse, constanter nega-

Praetorem militant: alicui enim praesto esse, id quoque militare uocari.

(n) l. 1. §. 1. de Iust. et Iure.

(o) in *peritrois* ad Tit. de Postulando §. 16. p. 264. ubi Schultingium singularem de militia aduocatorum dissertationem scripisse, et late causarum patronis militum priuilegia asseruisse, contendit.

negarunt. Quid? quod fuerunt, qui, etiam si a forensibus turbis abstinerent togati, nihilominus privilegio hoc uti posse illos, neque illa aboleri posse consuetudine confidenter statuunt. Atque si publicae utilitas rei efflagitet, ut veritas per quaestionem exquirenda sit a causarum patrono, eo adigendum esse, ut aduocationem solemni ritu deponat, pristinaque dignitatem exuat. (p) Sed ut silentio praetereamus, lubrico, quod a militibus et nobilibus (q) ad Advocatos ducitur, consequutionis filum niti fundamento; sciendum est plane aliam nostrae, quam Romanae militiae, esse faciem. Romani enim, insatiabili ambitione, vniuersis fore populis bellum indixerunt, et sic militia perpetua, et quidem non stipendiaria (r) primis temporibus, sed gratuita utebantur. (s) Ut necesse esset, ut singularia militibus indulgerent privilegia, quo in obsequio continerent eosdem, et ad praeclara magnaque facinora edenda impellerent tam honorificis luculentisque praemiis propositis. Germanorum uero militia mercenaria est, et milites dicuntur foldarii a mercede, Gallis, la solde; Ueteres quoque bellica quamuis laude, heroicisque facinoribus illustres, attamen pacis et bellorum tempora distinxerunt, nec umquam in pace

(p) uide Stryckium c. l. §. 6. et 7. et quos longo ordine allegat imprimis Tiraquellum Opp. T. IV. n. 8. p. 37.

(q) u. §. 3.

(r) Augustus demum mercenarium primus conscripsit militem, et ut gratiam Populi Romani eo constantius retineret, non ciuibz modo, sed etiam Latinis et Italis necessitatem militiae remisit, quemadmodum ex Herodoti Historiar. L. II. c. 11. probat Illustris Io. Theophilus Heineccius, in Ant. Iur. Rom. Append. L. I. C. I. §. 57. ed. nou. p. 320. de ceteris, quibus populo carum atque acceptum se reddere studuit, artibus politicis Augustus, uide, si placet, quae diximus in Commentatione de efficaci mulierum; testimonio in codicillis p. 9.

(s) Lipsius de milit. Roman. L. V. dial. 16.

ce habuerunt militem, sed in bello instar militum vti fuerunt ciuibus, subditis, uasallis, vsque dum post funestum illud tricennale bellum, et ob perpetuum armorum metum, in pace quoque consulto militem alant principes. (t) Sane innumerae illae, quibus doctores hoc circumscribunt priuilegium, limitationes, nullum illud reddunt, et prorsus inane. (u) Prouocant denique interpretes ad Imperatorum VALENTIS, GRATIANI ET VALENTINIANI constitutionem, (x) qua edicunt. *Seueram indagacionem per tormenta quaerendi a clarissimo homine submouemus.* Uerum enim uero quamuis clarissimos esse Iure Romano (y) Aduocatos vltro largiamur, attamen haec uerba mendo non carent. Non enim Imperatorum mens est, ut Aduocatis subueniant, sed ut senatoribus priuilegium concedant, et illos a tormentorum infamia cruciatibusque liberent. Iuuat coniecturam nostram Codex Theodosianus, (z) ubi pro clarissimo homine, legitur Senatorio nomine. Et certe non omisissent causidicos uel DIOCLETIANVS ET MAXIMIANVS, (a) vel ARCADIVS ET HONORIUS, (b) in rescriptis suis, quibus certis personis immunitatem a quaestionibus impertiunt, si tanto honore dignos iudicassent litium patronos.

§. VI.

(t) docte eleganterque id excussit, quem egregia in iurisprudentiam merita haud ita pridem ad consulatum Kiloniensem euexerunt, Ernestus Ioachimvs Uueslphal in diss. de Iuris Rom. indole et obligandi diuersa ratione ac dignitate in foris apud Rom. et German. C. I. §. 5. p. 38. et 39.

(u) Carpz. Prax. Criminal. P. III. Qu. 118. n. 86. sqq.

(x) l. 10. de dignitat.

(y) l. 1. C. de Adu. diu. iud.

(z) L. IX. T. XXXV. l. 93.

(a) l. 8. et 11. C. de quaestionib.

(b) l. 17. C. eod.

§. VI.

Denegatur Aduocatis competentiae beneficium.

Triste est flebileque illud competentiae beneficium, ad quod debitores diris calamitatibus pecunia exuti, et ad incitas redacti confugere solent. Uindicat hoc Aduocatis OSWALDVS HILLIGERVS, (c) et opinionem suam tamquam benignam et doctis uiris propugnandam commendat, ne alios sui ordinis homines, fortunae potius, quam illorum culpa bonis lapsos deferant, immanique foeneratorum rabiei exponant. Quae si etiam uera essent, nullique dubitationi obnoxia, non tamen possemus HILLIGERIANAE subscribere sententiae. Vt enim taceamus, Ictum sine lege loqui erubescere, putidasque illas, quae argumento legum fiunt, esse ratiocinationes, ius hoc plane singulare est, et exorbitans, et non vltra literam facile extendendum. Quid? quod creditores de damno uitando certant; quo itaque illud aliis magis nocet, eo magis coercendum est; ne rabulis laeta atque iucunda suppedietur occasio, in cauponis, popinis fornicibusque hilarem consequi famam, et, post dispersita per libidinem et luxuriam bona, se hoc beneficio, tamquam scuto, tueri, et eludere creditores. Atque plane non procedere illam, quae a nobilibus ad caufidicos sumitur, ratiocinationem, praeter ea, quae supra scripsimus, documento esse potest, quod nobiles et doctores privilegiis Imperatorii ornati sunt, quibus illi plane destituuntur. Et in hanc sen-

C

ten-

(c) in Donello enucl. L. XXVII. C. IX. p. 429. Stryckius c. l. C. III. §. 19. Eduardus Franc. Goclenius in diss. de beneficio competentiae §. 14. p. 26.

(d) Bergerus in Supplementis ad Electa Discept. For. P. II. p. 654. Idem in Oec. Iuris p. 1199. Beyer. Pos. ad ff. p. 118.

tentiam responderunt Icti Uitebergenses, Scabinorum Iennensium sequuti iudicium. (d)

§. VII.

Vt Client illam pecuniam, quam Aduocatis in casum uictoriae promisit, soluat, si per amicabilem transactionem lis finita sit, cogi nequit.

Errat LAUTERBACHIVS, (e) quando Aduocatis, id, quod promissum est, si uictoriam reportent ab aduersario, soluendum esse, lite transactione finita, statuit. Prouocat ad SCAEVOLAM, (f) qui hanc litem diremisit dicitur. Sed plane aliam quaestionem definit Scaeuola, quam de qua nobis sermo est. Erat de haereditate controuersia inter haeredem scriptum, et MAEVIUM, et sorores eius. MAEVIUS literis ad sorores datis declarat, commune futurum, quicquid ad eum ex euentu litis haereditariae peruenisset. Uerum quum transactione res composita, et ex illa praedia aliaeque res ad MAEVIUM deuolutae essent, quaesitum est; an a sororibus possit conueniri. Et respondet SCAEVOLA. Possit. Insigniter enim differunt, alteri aliquid indefinite, et partem bonorum in quemcunque euentum promittere, quod in hac lege fecit MAEVIUS, aliud promittere in casum uictoriae. (g) Hic enim animum intendisse uide-

(e) in Tit. ff. de postul. qui erroris socium, ut fere semper, natus est, Carpzouium Resp. I. L. III. n. 17. sed fallitur Lauterbachius, quando Iacobum Bouricium eandem sententiam defendere in libro de Aduocati munere et officio C. XLIV. p. m. 159. ed. Amstel. 1701. nimis confidenter scribit. Is enim saltem refert Guid. Papam huic insulsae subscribere opinioni.

(f) l. ult. mandati uel contra.

(g). Christianus Thomassius in notis ad Digesta p. 73.

tur promittens ad innumeros et longos, qui per diuturnum temporis spatium subeundi sunt Aduocato, labores, et ut animum spemque addat illi, ut omnia extrema audeat, quo ingenti rei familiaris commodo multaque laude ex lite victor recedat. Taceo, semper damnum aliquod sentire, qui transigit, nec ideo tam amplam lautamque mercedem spondisse in hunc casum oratori, qui exiguo atque fere nullo labore sibi eandem parauerat. Certe fenestra aperiretur malitiae praeuaricationibusque causidicorum, qui omni studio eo nisuri essent, ut ad transactionem impellerent aduersarium eundemque in praedae pertraherent societatem.

§. VIII.

Conuitia interdicta Aduocatis sunt.

Est profecto iniurium, quod sibi sumunt causidici, priuilegium, quod conuitia impune coniiciant in aduersarium, et manifestas illas iniurias salium facetiarumque nomine defendant. Naesti sunt nuper magnum causae suae patronum, AVGVSTINVM LEYSERVM, qui sales facetiasque illas illiberales admonitione saltem coercendas esse decernit. (h) Sed parum proderit iis Uiri Illustris auctoritas, cui leges Romanae et patriae aperte repugnant. Et suo id Romae damno expertus est nobilis causidicus EPICETVS, cui *obinconsultam temerariamque linguam* aduocatio interdicta fuit. (i) Licet ueritatem proferre, licet uerum crimen obicere aduersario, licet testes suspectos reddere, licet recusare iudicem, illumque delicti insimulare, si litium id poscit utilitas. (k) Sed temperent sibi causidici a maledicentiae

C 2

teme-

(h) in Diff. de conuitiis Aduocatorum. p. 6.

(i) Epistol. L. IX. Ep. XXXI. ed. Francf. d. a. 1651. p. m. 344.

(k) Digna sunt Ziegleri in Arte Rabb. C. XXI. §. 3. p. m. 145. uerba, quae heic transcribantur: Admittit Iustinianus certo casu

temeritate iniuriisque, sciântque eos; qui tam procaces fuerint, ut non rationibus, sed probis certandum esse existimauerint, illaetabilem famae passuros fore iacturam. (l) Verum non solum Romanae, sed inprimis Imperii (m) Saxoniacque leges damnant hanc execrandam Aduocatorum conuitiandi libidinem, eamque seuerè puniunt. Non solum enim illas acerbis et atroces iniurias, uerum etiam illiberales asperasque facetias, illa falsa et satyrica dicteria, uinnsige, hönische, schmäheliche, (n) stacheliche, anzügliche Worte (o) interdictione fori, carcere, multa coercent. Quid? quod iudici, in illo, quo causidicus iniurias eructauit, iudicio illum punire permittunt. (p) Et probe memini, quum causarum patronus, integrae fidei et praeclaræ uir doctrinae et amicitia mihi iunctus, aduersario obiecisset, iudicii cum passum esse, eo, quo scripserat positiones suas, tempore, ecclipsin, a Senatu Academico in quinque numos vnciales fuisse condemnatum.

§. IX.

conuitiandi licentiam si uidelicet quis obiiciat parti aduersæ, quod testes falsos instruxerit, et alios corruerit, item quod calumniatus sit. Ita excipiens contra testes in iudicio, quod sint falsarii, improbi, criminosi, actione iniuriarum non tenetur, quemadmodum nec ille, qui iudicem suspectum esse dicit; Sed hæc non tam conuitiandi, quam defendendi animo sunt, quum qualitas facti præsumptionem iniuriandi excludat, et propterea ueram exceptionem non faciunt.

(l) l. 6. C. de poss.

(m) Ord. Cam. P. I. T. 23 §. 2. u. et Conf. Henricum Brockesum in Diss. de Aduocato Iniuriante §. 12. qui ceteras Imperii leges recitat.

(n) u. Torg. Ausschreiben d. a. 1583. T. von Advocaten und Procuratoren.

(o) Ref. Graum. d. a. 1653. et 1657. Tit. von Justitiensachen. §. 33. Ord. Process. Vetus T. III. Mandatum Io. Georg. II. d. a. 1662. in Cod. Augusto T. I. p. m. 1142.

(p) Carpz. Proc. Iur. T. III. Art. II. n. 65. p. m. 91. Brunn. in Comm. ad Codicem p. m. 252.

§. IX.

*Cetera, quae Aduocatis tribuuntur, priuilegia
summatim recensentur.*

Tribuunt praeterea interpretes causidicis priuilegium quod carceri tradi, quod infelici arbore suspendi nequeant, quod testimonium iusiurandumque domi deponere, quod opifices strepiferam artem exercentes ex uicinia expellere queant, quod uehiculis uti possint in illo loco, quo sedem constituit princeps, quod ab omnibus uectigalibus et collectis immunes sint, quod, si in feudis inuestiantur, simplex laudemium soluant, quod diebus festis studiis operam dare possint, et quae sunt reliqua mira et ridicula priuilegia. Sed obsoleuit magnifica illa oratio, quae haec sibi causidici priuilegia uindictant, re magis, quam uerbis refutata; et nos satis habemus, praecipua et magis speciosa, quibus, tamquam clypeo quodam, sese munierunt Aduocati, priuilegia eiecisse exturbasque ex Themidis sacrario. (q)

§. X.

Uera Aduocatorum enarrantur priuilegia.

Quae si accurate mecum perpendo, parum abest, quin in Leuuii (r) concedam sententiam, et, nullis fere priuilegiis litium patronos hodie uti, confidenter decernam. Ne tamen omnia causidicis priuilegia demere uidear iniquis censoribus, liceat ea, quibus hodie fruuntur, per transennam indicare. Sic gaudent priuilegio fori (s) Leges ipsae per-

C 3

mittunt

(q) uide Stryekium in cit. Diff. C. II. et III.

(r) in Censura Forensi P. II. L. I. C. VII. §. 5.

(s) l. ult. C. ubi Sen. uel Clariss.

mittunt laborum accipere praemium, (t) et tanta, quoad illud, in Saxonia Electorali praerogativa gaudent, ut iudicis officio manuque militari id, quamprimum operae ab illis praestitae sunt, consequantur. (u) Comparant in concursibus creditorum in privilegiariorum creditorum classe, si eorum opera laboreque res servata sit; (x) alias chirographariis creditoribus accensentur. (y) Competit ipsis ius retinendi acta priuata, (z) si clientem morosum nacti sunt, qui moras necitat in soluendo honorario. Immunes sunt ab excubiis et sordidis muneribus. (a) Nec, ut in aedes militem recipiant, cogi possunt. (b)

§. XI.

Conclusio.

Sed, inquires, quae invidia, quae infelicitas tam praeclaris uiris eripuit, quasque extorsit tam pulcra fructuosaque priui-

- (t) l. i. §. 10. et 12. de extraord. cognit. l. 12. §. 9. C. de iudic. Georg. Beyerii Positiones ad ff. p. 118.
- (u) Ita clare disponit ordinatio Processus Recognita Tit. VII. §. 4. Da hingegen denen Advocaten 10. zur Bezahlung ihrer Gebühren, auch so gleich vor Ausgang der Sache von Termin zu Termin, vermittelst der Execution verholffen werden soll.
- (x) Nicolai in Resolutionibus pract. Ref. XIX. §. 24. §§. p. 378. consentit ordinat. Proc. Rec. T. XLII. §. 1.
- (y) Nicol. c. 1.
- (z) Carpz. P. II. C. XXV. def. 33. Publica Acta uero Advocatis retinere non licet, quia semper reipublicae interfit ea exhiberi.
- (a) l. 3. l. 6. C. de Adu. diu. iud. confer et Nicolaum c. 1.
- (b) Klockius de contrib. c. 17. n. 207. Quando enim militem recipere cogentur, facile documenta et acta, quae eorum custodiae tradita sunt, et quae magnam reipublicae utilitatem continent, militum novitatis studio periri possent. Si tamen plures aedes habeant, hoc privilegium ad illas aedes, quas in-

privilegia? Respondeat pro me GYNDLINGIUS (c) *De privilegiis causidicorum tenendum est, multa rebus nostris accom-
modari a Systematicis. Sed quum tamen omnia privilegia
pro re nata imminui soleant, hinc malitia quorundam et
multitudo eorumdem in causa fuit, quare parum inde emolu-
menti sentiant.* Quapropter optandum est magnopere, ut ii, qui pestiferis artibus, concussionibus, et turpi ignorantia ingentes miseris innocentibusque mortalibus clades attulerunt, et aeternam famae suae inusserunt turpitudinem, tandem aliquando pravas artes suas deserant, cum bonis cordatisque uiris in gratiam redeant, et ad incomparabilia sanctissimorum iuris Antistitum, IACOBI BOVRI-
CII, (d) DAVIDIS THOENICKERI (e) et CHRISTFRIDI
WAECHT-

habitant, ex merito restringitur. Confer et Stryck. cit. Dissert. C. III. §. 32.

(c) in *περὶ τοῦ* p. m. 272.

(d) Saepe taxat reprehenditque rabularum perniciosissimum genus inprimis C. III. et IV. de officio Aduocati p. 5. sqq. inprimis aurea sunt eius uerba in Dedicat huius egregii operis. Digni sunt improbi Aduocati, qui traducantur ac perflungantur, et non foro tantum, sed hominum quoque societate pellantur, et ad Scythas, aut Sauromatas, et si quae sunt aliae magis barbarae nationes relegentur, numquam redituri.

(e) Hic enim referente Amplissimo Helmstadiensium Antecessore Francisco Carolo Conrado in praef. ad Aduocatum prudentem in foro civili de se gloriatur: se rabularum technas, ac dolos infantes, quibus uulgo improbi causidici vtuntur, canepius et angue semper odisse, eiusque rei testimonium sibi ab omnibus, in quibus egerit, iudiciis certissime polliceri: numquam se moras, quibus protraherentur lites nexuisse, serioque omnem mouisse lapidem, quo ius suum quilibet obtineret; numquam lucri causa suscepisse lites, nec emungere clientes aere studuisse, quin potius multis, amore iustitiae, quae causam eorum commendaret, gratis aduuisse.

24 DE SPVRIIS ADVOCAT. PRIVILEGIIS.

WAECHTLERI(f) exempla sese transforment atque componant. Tunc enim, si ad hunc vsque diem mihi uitam pro- rogauerit Deus, primus ero, qui reuocabo aspere duriterque dicta contra eos, qui comiter uenerabor illos, qui denique obnixi, et, vt in prouerbio aiunt, manibus pedibusque laborabo, vt pristina emolumenta postliminio quasi recuperent. Hi uero in quorum animo altius insedit, atque inueterauit tetrum malitiae uenenum, quam vt penitus exstingui atque eradicari queat, audiant dictaque sibi putent SYMMERMANNI, (g) quibus eos condecorat, elogia: *Aduocati, qui protrahunt certa fata causarum, suaeque nequitiae uiribus in rebus saepe publicis ac priuatis bene ordinata et reparata destruunt, fatigata prorsus peruertunt, non minus nocent humano generi, quam si furtis atque uulneribus patriam parentesque deuastarent. Nec enim solos contra imperium nostrum militare credimus illos, qui gladiis, clypeis et thoracibus nituntur, sed etiam Aduocatos. Militant namque causarum patрони, qui maleuolae uocis confisi munimine spem, uitam et posteros destruunt.*

(f) Parentauimus piis integerrimi ac doctissimi ICI manibus nostro qualicumque elogio in Actis Erud. Menf. Febr. huius anni p. 92. fqq.

(g) in πρωτοις p. 580.

